

Filipēnses

1 Pau²lah³lo²na¹xai²na² Ti³mo²jah³la² nxe³sxā³
 Je³su² Kris²tu³jah¹lai²na² a²sa³wi³ha³lxi³su²
 sī¹na¹wa². Je³su² Kris²tu³jah¹la² ā³nū²nxi²sxā³
 ai³sī¹na¹ha²kxai³ Je³su²jah³lai²na² wān³txa²
 a²wa³ka³li³lot³sī¹na¹wa². Nxe³sī¹na¹ha²kxai³ txai²li²
 Pau²lah³lo²na¹xai²na² wān³txa² ũ³wha²li¹lhxā³
 ũ³hū²xai³nx²ti³sī¹na¹wa². Fi³li³po²thi³na²
 yxau²xai³yah³lxin¹te² i³nxa², Txa²wā¹sū³na²
 wān³txa² sa²yo²we¹tū³ka³txi³su² te² i³nxa² Je³su²
 Kris²tu³jah¹la² ā³nū²nxi²sxā³ yxau³yah³lxin¹te²
 i³nxa² nxe³yah³lxin¹te² i³nxa² ain³kxi¹sah¹lxi³hē¹la².
 Je³su²jah³lai²na² wān³txa² yxo²i²tū³ka³txa²
 a²hxi²kan¹te²nāu³xa² ain³kxi² yxo²i²tū³ka³txa²
 i²ū³te²nāu³xa² ain³kxi² nxe³sah¹lxi³hē¹la².

2 Nxe³nha¹ha²kxai³ Txa²wā¹wi³na² Txa²wā¹sū³na²
 Si³yxau³jah¹lai²na² sa²kxai³lu² Je³su² Kris²tu³jah¹la²
 Txa²wā¹hxi²kan¹jah¹lai²na² nxe³ya³sxā³ kāin²
 thāi³ti³la² a³lxi¹nx²ti³si¹hi² wxa²nxū²kwai³nāu³a²
 ā³nhāu²no³txa²lxi³si¹hi² nxe³nx²ti³si¹jau³su²
 ten³ya³sa³nha²wa².

Pau²lah³lai²li² Txa²wā¹sū³na² i³ye³kxi²jau³su²

3 Wxa²nū³ka³txi³ i³nxai²na² i²xi¹nx²ti³to³ha¹kxai²nān²tu³
 hāi¹nxe³to³ta¹ Txa²wā¹sū³na² sa²nēn¹kxi²to³ha¹wa².

4 Txa²wā¹sū³na² e³kxi²na¹tāu³a²
 wxa²nū³ka³txi³ i³nxai²na² hāi¹nxe³ti³ i³nxai²na²
 e³kxi²to³ha¹wa². Txa²wā¹sū³na² e³kxi²na¹tāu³a²
 ka³lih³kxi²la²nha²sxā³ e²kxi³to³ha¹wa².

5 A²wi¹lhī¹nai³tā² kwēn¹ta² wxā³sxā³

ĩ³hen³txi³nx2ta¹hĭ¹nai³tā² Txa²wā¹sũ³na²
 wān³txa² wi¹jau³xa² ĩ³hen³txi³nx2ta¹hĭ¹nai³tā²
 ā³non²ta³kxi²sah¹lxin¹tai¹ti²tu³wa².
 Nxe³hĭ¹nān¹te²tu³ te²yā¹nxe³sah³lxi¹nhē¹la².
 A²nxe³ju³tai²li² ka²li¹sah¹lxin¹nha²wa².
 6 Jā¹nxe³sxā³ Txa²wā¹sũ³na² hi²sen³su²
 wxa²ē¹na² sa²hau³ko³tũ¹nhē³jah¹lai²la¹wa².
 Te²yā¹nxe³sxā³ ā³non²ta³kxi²xai³sxā³
 sa²hau³ko³ta³lun²nxa²lxi³tu¹wa². Je³su²
 Kris²tu³jah¹la² a³ka³nxi²sxā³ wa³li²tāu³a¹
 sa²hau³ko³ta³lun²nxa²lxi³tu¹wa². Ju¹tai²li²
 ya²la³lai²la¹wa². Ĩ²te²sa¹wa². 7 Txa²ē¹nāu³ai²na²
 ĩ²xi¹nx2ti³to³ha¹wa². Kxā³nhxĭ¹nai³tā³ yān³ta²
 tũ¹kxi¹sai¹nxa³hĭ¹nai³tā² wa²su¹wa²su¹yxau³na¹hĭ¹nai³tā²
 ā³non²ta³kxi²sah¹lxi¹nha²kxai³, hā²wxān³txa³
 sxi²ha² kan²thĭ³na² ũ³tũ¹kxi²sai¹nha²kxai³
 yxau²xai³la¹hĭ¹nai³tā² ā³non²ta³kxi²sah¹lxi¹nha²kxai³,
 sah¹lxin¹tai¹ti²tu³wa². Txa²wā¹sũ³na²
 wān³txa² wi¹jau³xa² ya²la³lyau³xa²
 wxi²kan¹txi³ ĩ³tih³nxe³ai¹na¹hĭ¹nai³tā²
 ā³non²ta³kxi²sah¹lxi¹nha²kxai³ a²nũ²a²
 yxo²ĩ²ai¹nxa³te²na² Je³su²jah³lai²na² wān³txa²
 yxo²ĩ²ain¹si¹ha¹jau³su² ĩ³ye³kxai¹na¹hĭ¹nai³tā²
 ā³non²ta³kxi²sah¹lxi¹nha²kxai³ nxe³sah¹lxi¹nhē¹la².
 Jā¹nxe³sah³lxi¹lxa². Nxe³sah¹lxi¹nha²kxai³
 a³lxi²nx2ta¹ju³ta²wain³na³la². 8 Je³su²Kris²tu³jah¹la²
 a³lxi²sa²na³la². Txa²ē¹nāu³ai²na² whāi²na¹
 au³txi³ a³lxi²sa²tē³sa²na³la². A³lxi²sa²kxa² yā¹nxe²
 a³lxi¹nx2ta¹wa². Ya²la³tu³ a³lxi²khaix1nxe³nx2ta¹wa².
 Txa²wā¹sũ³na² yen³nāu³a² e³kxi¹nx2ta¹wa².

9 Nxe³sxā³ Txa²wā¹sũ³na² e³kxi²na¹tāu³a² nxe²
 e³kxi²na¹te³nah¹lxi¹:

— Sũ³na² nxe³txi¹. Fi³li³po²thĩ³na²
 yxo²ĩ²nxain¹tũ³kã³txa² a³li²nxain¹na³li¹.
 Nxe³ju³ta² ã²la² kãĩ²non³sxã³ kãĩ³ũh¹txai¹nhẽ³li¹.
 Nxe³ai¹nĩn¹ka³tu³ wxa²wãn³txa²
 ã³ne³wxe³nũh¹nxain¹ju³ta² ã²la² kãĩ²no³nha²kxai³
 wxa²wãn³txa² a²si³yxau³jau³xa² wxi²kan¹txi³
 a³la³kxi²nũ¹nha²kxai³ nxe³nxa²si¹hai¹na¹jau³su²
 e³kxi¹nxa²ha¹wi¹. Nxa¹jau³su² Txa²wã¹sũ³na²
 e³kxi²to³ha¹wa². 10 Jã¹nxe³sxã³
 Fi³li³po²thĩ³na² yxau²xai³yah³lxin¹te² ĩ³nxai²na²
 nxe³yah³lxin¹kxai²nãn²tu³ ha³lo²a² ã²la² wi¹ju³ta²
 ĩ²sxã³ sa²so¹yah³lxin¹tu¹wa². Hã²wxãn³txa³
 Kris²tu³jah¹la² a³ka³nxi²sxã³ wã³li²tãũ³a¹
 ko³nxe³ti³ kãĩ³yah³lxin¹ju³ta² yũ³nx2ti³xa³ha²kxai³
 ha³lo²a² ĩ³ãũ²lxin¹nx2ti³ju³ta² yũ³nx2ti³xa³ha²kxai³
 nxe³nx2ti³tu¹wa². 11 Nxe³nx2ti³kxai²nãn²tu³ Je³su²
 Kris²tu³jah¹la² hi²sen³kxai³lu² wxa²ẽ¹nãũ³ai²na²
 sa²kxai³lu² yen³kxa² wi¹te²a² ã²la² kãĩ²non³sxã³
 ũ³hũ¹nx2ti³tu¹wa². Nxe³nx2ti³kxai²nãn²tu³
 Txa²wã¹sũ³na² sa²nẽn¹kxi²yah³lxin¹tu¹wa².

Kris²tu³jah¹la² sa²yxo²we¹kĩ³jau³su²

12 Txa²wã³tã³nãũ³xãĩ³. Wãn³txa²
 ĩ³yau¹ũ¹nx2ta¹tu¹wa². Txa²wã¹sũ³na²
 wãn³txa² wi¹jau³xa² ã²la² kãĩ²non³sxã³
 ha³ta³nxe³na³la². Khãuh³lxa³tot3sain¹kxan²ti³
 wãn³txai²li² wi¹la³ ha³ta³nxe³nha³la².
 13 So³ta²to² nũ³kã³txa² ĩ²yxau³nũ¹sain¹tũ³kã³txa²
 a³la³kxi²nũh¹sain¹na³la². Kris²tu³jah¹lai²na²
 wãn³txa² sa²yxo²we¹ta¹ha²kxai³ kxã³kxai³
 ũ³tĩ¹kxi²sain¹ju³ta² a³la³kxi²nũh¹sain¹na³la².
 Nxe³sain¹kxe³su² a²nũ²a² a²yxo²ha³kxa¹

ĩ²sain¹na³la². 14 Nxe³ha²kxai³ yxo²i²tũ³ka³txa²
 ĩ²sai¹nha²kxai³ tĩ¹kxi²nha²sxã³ yxau³na¹ju³ta²kxai³
 ĩ²sai¹nha²kxai³ Txa²wã¹sũ³nu²su²
 te²kxai³lu² ĩ³nxũ²kwai³lxũ¹nyhain¹na²hẽ³la².
 ĩ³nxũ²kwai³lxũ¹sxã³ Txa²wã¹sũ³na² wãn³txa²
 wi¹jau³xa² kãin² ĩ³hen³txain¹na²hẽ³la². Hai³txi³
 koñ³ton³tai¹nxa³hẽ³la². 15 Ha³tih³xan¹tũ³ka³txai²na²
 ĩ²sai¹nha²kxai³ a²ẽ¹nãn¹jau³kxai³lu¹:

— Txa²wã¹sũ³na² wãn³txa² ĩ³yau¹ũ³ai¹na¹tũ¹xã¹.
 Wxi²kan¹khai¹nxe³sxã³ Pau²lah³la²
 ã³sen³sai¹a¹tũ¹xã¹. Ain¹jau³su²
 nxe³nyhai¹nhxai²na²hẽ³la². Nxe³kxa²yu³su²
 ĩ³ye³y²yi²lhon¹ta³kxi²nyhai¹nhxai²na²hẽ³la².
 Nxe³nyhain¹kxan²ti³ Txa²wã¹sũ³na² wãn³txa²
 ĩ³hen³txain¹na³la². Nxe³yãn¹ta¹ nũ³ka³txi³ ã³xai²na²
 sa²kxai³lu² a²ẽ¹nãn¹jau³kxai³lu¹:

— Txa²wã¹sũ³na² ĩ³ka³lit³ju³ta² so¹lxi³
 kãi³a¹tũ¹xã¹. Ain¹jau³su² nxe² Sũ³na²
 wãn³txa² wi¹lhin¹sxã³ ĩ³hen³txain¹na³la².
 16 A²nxe³tũ³ka³txai²li² a³lxi²sai¹nha²kxai³
 nxe² kãi³ũ¹hain¹na³la². Txa²wã¹sũ³na²
 ĩ³kaix¹so¹sa²ju³tai³tã² ĩ²sain¹na³la². ĩ²sxã³
 ĩ³kaix¹so¹sa³ha²kxai³ sxi²ha² kan²thi³na²
 ũ³tĩ¹kxi²sxã³ wxe³sain¹kxan²ti³ Txa²wã¹sũ³na²
 wãn³txa² wi¹jau³xa² ya²la³lyau³sa²kxe³su²
 wxi²kan¹txi³ ĩ³tih³nxe³na¹ju³ta² a²yxo²ha³kxa¹
 Txa²wã¹sũ³na² kwa³na³si¹sa²jau³su²
 ĩ²sain¹na³la². 17 Nũ³ka³txi³ ã³nũ³ka³txin³na²
 e³kxi¹nx2ta¹tũ³ka³txin³na² hi²sen³su²
 Je³su²jah³lai²na² wãn³txa² ko³txi³ ĩ³hen³txain¹na³la²,
 ã³sen³sai¹ain¹te³lha³ka². Nxe² kãi³ain¹kxe³su¹:

— Pau²lah³lai²li² tĩ¹kxa² wxe³ain¹tãu³a²

khãuhx3nha²ju³ta² kãi²not3ti³hi¹ta¹tũ¹xã¹.
 A²nũ²a²nãu³xa² txa²wãn³txa² so¹lxi³
 ain³kxi²sain¹sĩn¹kxai²nãn²tu³ Pau²lah³la²kxai³
 i³ain²ta³kxain¹tũ¹xã¹. A²ẽ¹nãn¹jau³la² ain¹na³la².

18 Nxe³sain¹kxan²ti³ i³ain²ta³kxi²nhã²nxa³wa².
 Je³su²jah³lai²na² wãn³txa² ã²la² kãi²non³sxã³
 ha³ta³nxe³ju³ta² ten³sa³nha²wa². Kõ³te³ain¹ta³nxa²
 wain³txi³ e³ain¹ta³nxa² nxe³kxan²ti³
 Je³su²jah³lai²na² wãn³txa² ha³ta³nxe³na³la².
 Ju³tai²li² ka³li³sa³nha²wa². Ka³li³sxã³
 yxau²xai³la¹tu¹wa². 19 Jã¹nxe³na¹ju³ta² kan²txi³
 tũ¹kxi²sain¹ju³tai²li² ye³jen¹na² ã³wa²su¹kxi²sa³tu¹wa².
 Wxa²nũ³ka³txai²na² sa²kxai³lu² Txa²wã¹sũ³na²
 kãin² i³ye³kxi²yo²nũh¹sah³lxi¹nha²kxai³
 Je³su² Kris²tu³jah¹la² A²yãu³ka³jxah¹la²
 ã³non²ta³kxi²sa³ha²kxai³ nxe³sa²kxe³su²
 ã³wa²su¹kxi²sxã³ yxau³na¹tu¹wa². Tĩ¹kxi²sain¹thi³na²
 a³li³a¹tu¹wa². 20 Txa²ẽ¹na² au³txi³ ten³sa²kxe³su²,
 Je³su² Kris²tu³jah¹la² i³sa²nẽn¹kxi²ti³ten³sa³nha²wa².
 Ka³ten³su² yxau³na¹jut³su² ta³nxa² ya³lu²na¹jut³su²
 ta³nxa² nxe³na¹kxan²ti³ txa²nũ²nãu³xai²na²
 whãi²na¹ i³ya³lo³txi³khaix¹nxe³sxã³ Je³su²
 Kris²tu³jah¹la² i³sa²nẽn¹kxi²ti³ten³sa³nha²wa².
 i³nxũ²kwai³lxũ¹txi³hxai²na¹kxai³ jã¹nxa¹ju³ta²
 ten³sa³nha²wa². Hxi²tha²on³sxã³ ã³na¹nxa³lho³la².
 Ju¹ta² ten³sa³nha²wa². 21 Nxe³sxã³
 txai²na² sa²kxai³lu² hin¹sxã³ yxau³na¹tãu³a²
 Kris²tu³jah¹la² sa²yo²we¹ta¹ju³ta² so¹lxi³
 ten³sa³nha²wa². Yxãn¹ta¹ ya³lu²na¹kxai²nãn²tu³
 ã²la² wi¹la³ yxau³hĩ³na¹wa². 22 Nxe³yãn¹ta¹
 ka³ten³su² hin¹sxã³ yxau³na¹kxai²nãn²tu³
 wi¹kãi³a¹ju³ta³nũ³a² yũ³tu¹wa². Nxe³na¹ha²kxai³

ih¹nxe³nah¹lxon³ku². Ka³ten³su² yxau³na¹ta³nxa²
 ya³lu²na¹ta³nxa² nxe³hī³na¹te²la¹ku².
 Nxa¹nha²wa². 23 Ju³tha¹li¹ ī²sxā³ sa²so¹na¹ju³ta²
 yū²na³la². Txa²hi¹nxai³la¹ju³ta² ā³na¹sxā³
 Kris²tu³jah¹la² yxau³ju³ta² ā³wi¹hū³ha¹ju³ta²
 ten³khaix¹sa³nha²wa². Wi¹kāi²no³nhī³nx²na³la².
 24 Nxe³yān¹ta¹ ā³non²ta³kxi¹nx²ta¹ju³ta³nū³a²
 yuh³xai²nān¹ko³xai²na² āh¹ hi¹nxai³la¹tu¹wa².
 25 Nxe³na¹ju³ta² a³la³kxi²na¹jau³su²
 āh¹yxau³ya³nx²ta¹tu¹wa². Yxau³ya³nx²ta¹kxe³su²
 kāi²non³ yxo²i²si¹nx²ta¹jau³su² ha²kxai³
 wxa²ē¹nāu³ai²na² au³txi³ kāi²non³
 ka³lih³si¹nx²ta¹jau³su²ha²kxai³ yxau³ya³nx²ta¹tu¹wa².
 26 Nxe³sxā³ wā³li²sxā³ ī²xi¹nx²ta¹kxai²nān²tu³
 yuh³xai²nān¹ko³xai²na² Je³su² Kris²tu³jah¹la²
 ā³nū²kxi²sxā³ yxau³yah³lxi¹nha²kxai³
 kāin² ka³lih³yah³lxin¹tu¹wa². Sxi²ha²
 kan²thī³na² a³li³sxā³ ī³xi²na¹ju³ta³nū³a²
 ī²sah¹lxi¹nha²kxai³ ka³lih³nxa²lxi³tu¹wa².
 27 Nxa²ha¹te¹ Kris²tu³jah¹lai²na² wān³txai²na²
 wain³txi³ sa²yxo²wet¹sxā³ kāi³jah¹lxi³hē¹la².
 Yxah³lxin¹kxai²nān²tu³ wxā³sī²nx³ti³ta³nxa²
 wxā³sī²nx²ti³nxa³ta³nxa² nxa¹kxan²ti³
 wxa²ha³ta³nxa² ain³kxi¹nx²ta¹tu¹wa².
 Ā³ten³nxa²lxi³ju³ta³nū³a² a²nū²a²
 ka³na³ka³na³te²hū³nxe² ain³kxi²nha²
 hin¹yah³lxin¹ju³ta³nū³a² ain³kxi¹nx²ta¹tu¹wa².
 Nxe³yah³lxin¹ju³tan¹te²kxa³ya³lhu² wain³txi³
 ā³non²ta³kxi²nyhu¹sxā³ o²la³kxi², Je³su²
 Kris²tu³jah¹lai²na² wān³txa² yxo²i²yah³lxin¹jau³xa²
 a²nū²a² yxo²ha³kxa¹ ī³yau¹ū³nyhu¹i²

nxe³yah³lxin¹ju³ta³nũ³a² ain³kxi¹nx2ta¹tu¹wa².
 28 Wxa²ko¹ko¹nũ³ka³txa² Sũ³na² wãn³txa²
 yxo²ĩ²xa³tũ³ka³txa² yuh³lxah³lxi³txa³hẽ¹la².
 Yuh³lxah²lxan³kxai²nãn²tu³ tũ¹ka³txai²li² Sũ³na²
 wãn³txai²na² sa²yxo²ã³ain¹kxe³su² ko³nxe³ti³
 kãi³nha²ju³ta³nũ³a² ĩ³yĩ¹li²jau³nũ³a² so¹lxi³
 e³lxah¹ a³la³kxain¹tu¹wa². Te²yã¹nxũn³sxã³
 wxãi²na² sa²kxai³lu² ka³te³na² wi¹tãu³la³
 yũ³yah³lxin¹kxe³su² e³lxah¹ a³la³kxain¹nũn³tu¹wa².
 Txa²wã¹sũ³na² hxi²ka² kãi³ũh¹nx2ti³tu¹wa².
 29 Je³su² Kris²tu³jah¹la² yxo²ĩ²yah³lxin¹ju³ta²
 ĩ³hxi²ka¹txa²lxi³na³la². Yxo²ĩ²yah³lxi¹nha²kxai³
 Je³su²jah³lai²na² wãn³txa² te³nai¹nxa³te²nãu³xa²
 kwĩ²ti³ti³hi¹txa²lxain¹kxe³su² yũ³yah³lxin¹tu¹wa².
 Ju¹tai²na² a²yxo²ha³kxa¹ Txa²wã¹sũ³na² ten³ju³ta²
 ã³kãi³te²ju²hẽ³la². 30 Jã¹nxe³sxã³ Je³su²jah³lai²na²
 wãn³txa² te³nai¹nxa³te²nãu³xa²kxai³lu²
 khãuh³lxa³ti³sain¹ti³ai¹ti²tu³wa². Jã¹nxe³sain¹to³nha³la².
 Nxe³sain¹kxa² yã¹nxe³sxã³ khãuh³lxa³ti³nx2tain¹nũn³tu¹wa²,
 Je³su²jah³lai²na² wãn³txa² ĩ³yau¹ũ¹yah¹lxi¹nha²kxai³la².

2

Kris²tu³jah¹la² a²hxi²kan¹khaix1nxe³nha²ju³ta²
ã³na¹jau³su²

1 Nxa²ha¹te¹ Kris²tu³jah¹la² ã³nũ²kxi²sxã³
 yxau³yah³lxi¹nha²kxai³ ã³non²ta³kxi¹nx2ti³ti³ai¹ti²tu³wa².
 A³lxi¹nx2ti³ha²kxai³ ĩ³nxũ²kwai³lxũ¹nũh¹nx2ti³ti³ai¹ti²tu³wa².
 Sũ³na² Yãu³ka³jxah¹la² ain³kxi²nha²
 hin¹yah³lxin¹ti³ai¹ti²tu³wa². A³lxi²waun¹nyhu¹ah³lxin¹ti³ai¹ti²tu³wa².
 2 Nxe³yah³lxi¹nha²kxai³ ain³nha²
 sa²ha³te¹jah³lxi³txa³hẽ¹la². A³lxi²sa²tẽ³nyha¹jah¹lxi³hẽ¹la².

- yũ³kxan²ti³ sa²yo²we¹txa³kxe³tu³
 yũ³ta¹hxai²nxa³ti³ai¹ti²tu³wa².
 Nxe³sxã³ ũ³hxi²kĩ¹la³kxi²sxã³
 su²lhã³ain¹ta¹hxai²ti³ai¹ti²tu³wa².
 9 Txa²wã¹sũ³na² wãn³txa² win¹ta²te²lxi³ thã³ti³la²
 sa²yo²wet¹sxã³ ya³lu²kxi²nẽ³lha²kxai³
 Txa²wã¹sũ³na² hi²sen³kxai³lu²
 Je³su²jah³la² tẽ³sxã³ kãin²ti³hit¹sxã³
 a²lxi³la² kãin²khai¹nxe³jau³xa²
 i³yĩ¹li²ta¹hxai²ti³ai¹ti²tu³wa². Ā²la² kãin²te²a²
 i³lxa²i³kãin²not³sa²so¹ta¹hxai²nxa³ti³ai¹ti²tu³wa².
 10 Nxe³sxã³ kãin²ti³hi¹tha²kxai³ oh³xan¹tũ³ka³txa²
 ha³kxa¹ yuh³xan¹tũ³ka³txa²
 ha³kxa¹ ya³lun¹txi³tũ³ka³txa²
 ha³kxa¹ ã³ka³ti³wxe³nũh¹hain¹sxã³
 sa²nẽn¹kxain¹tu¹wa².
 11 Nxe³sxã³ e³kxain¹te³nah¹lxi¹, a²nũ²a² yo²ha³kxa¹
 i³yau¹ũ³hain¹te³nah¹lxi¹:
 — Je³su²Kris²tu³jah¹lai²li² Txa²wã¹hxi²kan¹jah¹lo²khai³xai²la¹wi¹.
 Txa²wã¹sũ³nu³khai³xai²la¹wi¹. Nxe³ha²kxai³
 Txa²wã¹sũ³na² Si³yxau³jah¹la² i³sa²nẽn¹kxi²a³sah¹lxi³wxi¹.
 Nxe³ain¹tu¹wa².

Hi³ka²ta²yã¹nxe³kxe³hũ³nxe²ki³jau³su²

- 12 Jã¹nxa¹jut³su² ain³kxi²sah¹lxi³hẽ¹la².
 A³lxi¹nx²ta¹wa². A²kxã³nxa² yxau³ya³nhẽ³lh¹nai³tã²
 txa²wãn³txa² wain³txi³ sa²yo²wet¹sah³lxin¹tai¹ti²tu³wa².
 Te²yã¹nxe³sxã³ u²lyxau³na¹tãu³a² kxan²ti³
 sa²yo²wet¹sah¹lxi³hẽ¹la². Ā²la²
 kãin²non³sxã³ Kris²tu³jah¹lai²na² wãn³txa²
 sa²yo²we¹jah¹lxi³hẽ¹la². Txa²wã¹sũ³na²
 sa²nẽn¹kxi²yah³lxin¹ju³ta² so¹lxi³ kãin²jah¹lxi³hẽ¹la².
 Kõ³nxe³ti³ kãin²yah³lxin¹kxa²yã³txi³su²

wi¹li²jah¹lxi³hē¹la². 13 Txa²wā¹sū³na²
 hi²sen³su² a²ten³kxi³nū³a² kâi³yah³lxin¹ju³ta²
 ā³nhi²ka¹txa²lxi³jah¹lai²la¹wa². Nxe³nx2ti³ha²kxai³
 hxi²kan¹txi³ sa²yo²wet1jah³lxi³hī³nxa¹lxa².
 Nxe³sxā³ Txa²wā¹sū³na² ka³li¹jah¹lxi³hī³nxa¹lxa².

14 Wa³ka³lxa² kâi³yah³lxin¹kxe³su²
 i³kwai²kxi²sxā³ kâi³yah³lxi³txa³hē¹la².
 Kwa² i³ye³i³yi²lhon¹ta³kxah¹lxi³txa³hē¹la².
 15 Nxe³yah³lxin¹kxai²nān²tu³ kō³nxe³ti³
 kâi³yah³lxin¹ju³ta³la³ yū³yah²lxa³nha²kxai³
 wxa²e¹nāu³ai²na² wi¹ju³ta² so¹lxi³
 yū³yah³lxi¹nha²kxai³ nxe³yah³lxin¹tu¹wa².
 A²nū²a²nāu³xa² Sū³na² wān³txa²
 te³nai¹nxa³te²nāu³xa² a²wān³txai²na²
 wai³nxa³jau³xa² e³ih² i³ki³ha¹kxi¹nx2ti³te³lhxā³
 o²la³kxi²nxain¹te²jai¹ti²tu³wa². Nxe³nx2tain¹kxan²ti³
 Txa²wā¹sū³na² wē³ha³lxi³syah¹lxi¹nha²kxai³
 wi¹ju³ta² so¹lxi³ kâi³jah¹lxi³hē¹la².
 Nxe³yah³lxin¹kxai²nān²tu³ Hi³ka²ta² sa²kxai³lu²
 sa²ko¹kot1sa²tē³te²ju²hē³la². Jā¹nxe³kxa²
 yā¹xah³lxi³hī³nxa¹lxa². Te²yā¹nxe³sxā³
 a²nū²a² yuh³xai²nān¹te²a² Sū³na² wān³txa²
 te³nai¹nxa³te²a² wān³txa² wain³jau³xa²
 ka³ten³yau³xa² i³yau¹ū³yah³lxi¹nha²kxai³
 sa²ko²ko²kxain¹yah³lxi³hī³nxa¹lxa².
 16 Nxe²kâi³yah³lxin¹kxai²nān²tu³ Kris²tu³jah¹la²
 hi²sen³su² kō³nxe³ti³ kâi³ki³ju³ta² yū³ta³nxa²
 yū²nxa³ta³nxa² a³ya³txi²tāu³a¹ nxe³hī¹na¹
 ka³li¹ti³sah¹lxi³hī³nxa¹lxa². Nxe³sah²lxin¹ka³tu³ta¹
 kâi³ūh¹nx2ta¹ju³tai³tā² wa³kon³kxi¹nx2ta¹ju³tai³tā²
 Kris²tu³jah¹la² i²sxā³ i³ye³kxi²sain¹tu¹wa²:

— Kwa²hāi¹nxe² kwa² hxi²tha³nhxa²nxa³hē³li¹.
Nxe³sain¹tu³wa².

17 A²nū²a² Sū³na² wān³txa² we¹txa³te²nāu³xa²
su²lhā³sai¹nha³ta²wa². Txa²ti³ha²yau³xa² ha³li³kxa²
hxat3sa²sxā³su²lhā³sai¹nha³ta²wa², Sū³na²wān³txa²
ĩ³hen³txi¹nx2ta¹ha²kxai³la². Jā¹nxe³sain¹kxa²
ha³ta³nxān²txi³ka³li³ha¹tu¹wa². Sū³na²a²ten³jut3su²
we¹ta¹kxe³su²ĩ²sain¹kxai²nān²tu³Sū³nu²kxai³lu²
wi¹lxo³kxi²na¹tu¹wa². 18 Te²yā¹nxe³sxā³
ĩ³ka³li³ha³sah¹lxĩ³nū³nhē¹la², su²lhā³sain¹kxan²ti³na².

Ti³mo²jah³la² E³pa³fro³ti²jah³la² sxā³
wxā³nūn³jau³su²

19 Je³su²jah³la² Txa²wā¹hxi²kan¹jah¹la²
ĩ³hxi²kat1sa³kxai²nān²tu³ Ti³mo²jah³lai¹tā²
ĩ²nx2ti³te³lhxā³ ĩ³sa²si¹hā³a¹tu¹wa²,
Nxa¹kxai²nān²tu³ wxa²ha³ta³nxa²
ain³kxi²nx2ta¹tu¹wa². Ain³kxi²nx2ta¹kxai²nān²tu³
ĩ³ya³lo³ti²sah¹lxĩ¹tu¹wa². 20 Nxe³sxā³
txa²sa³wi³ha³lxĩ³nā³nāu³xa² jah¹la² so¹lxĩ³
wi¹la³non²ta³kxi¹nx2ti³jah¹lai²la¹wa².

A³lxĩ¹nx2ta¹kxa² yā¹nxe² a³lxĩ¹nx2ti³na³la².
21 Txa²sa³wi³ha³lxa² ā³xa² hāi¹nxe³ti³xa¹
a²wa³ka³lxa³yan³txa² so¹lxĩ³ te³nain¹na³la².
Yxān¹ta¹ jah¹la² ti³he¹nx2nxa³wa². Je³su²
Kris²tu³jah¹la² sa²yxo²wet1sxā³ kāi³ju³ta²
ten³na³la². 22 Txa²wā¹sū³na² wān³txa²

sa²yxo²ā³xa³tai¹ti²tu³wa². Wi¹kāi³ju³ta² so¹lxĩ³
o²la³kxi²tai¹ti²tu³wa². A²wĩ³nu²su² a²ki³lha³lhxu²
wi¹wa³kon³ya³te²ju²hē³la². Nxe³kxa² yā¹nxe²
jah¹lai²na² txai²na² kāi³ya³ha¹wa². Txa²wā¹sū³na²
wān³txa² wi¹jau³xa² ĩ³hen³txi³ya³ha¹tai¹ti²tu³wa².
Ju¹tai²li² ĩ²yah³lxĩ¹tai¹ti²tu³wa². 23 A²nxe³jah¹lai²li²

Ti³mo²jah³lai¹tã² ã³sa²si¹hã³ũh¹nx2ta¹tu¹wa². Sxi²ha²
 kan²thi³na² tĩ¹kxi²ta³lun²sain¹ju³ta³nũ³a² txa²nũ²
 ã²sã²nxã³ ã³sa²si¹hã³ũh¹nx2ta¹tu¹wa². 24 Nxa²ha¹te¹
 txai²na² sa²kxai³lu² wxã³sĩ²nx2ta¹ju³ta²
 yau³son³na³la². Txa²wã¹hxi²kan¹jah¹la²
 ã³hxi²kat1sa³kxai²nãn²tu³ wa³su³txi³ wxã³na¹tu¹wa².

25 Nxe³na¹ha²kxai³ txa²wã¹lon³yah³lai²na²
 E³pa³fro³ti²jah³la² ã³sa²si¹hã³xi²nũ³na¹tu¹wa².
 So³ta²to²jah¹lai²la¹wa². Wi¹wa³kon³kxi²ya³sain¹na²hẽ³la².
 Nũ³kxũ³txi³ o²la³kxi²ya³sain¹na²hẽ³la². A²kxã³nxã²
 ã³non²ta³kxi²si¹sxã³ ã³sa²si¹hã³ũh¹sah¹lxin¹tai¹ti²tu³wa².
 Hĩ¹na² ã³na¹ũ³xi¹nx2ta¹tu¹wa². 26 A²nxe³jah¹la²
 ã²nxã²lxĩ³ju³ta² ten³khaix1nx2na³la².
 ã³ton³kxi²ju³tai³tã² ain³kxah¹lxĩ³ta¹hi¹nhẽ¹la².
 Nxe³kxah¹lxĩ¹nha²kxai³ hxi²waun³ta³kxi¹nx2ti³ta¹hẽ¹la².
 27 Ya²la³tu³ ã³ton³khaix1na²hẽ³la².
 Ya³lu²ti³ten³khaix1na²hẽ³la². Yxã¹ta¹
 Txa²wã¹sũ³na² wi¹lhin¹sxã³ thã³ti³la²
 sa²hau³ko³tã²hẽ³la². Nxe³kxa²yu³su² wi¹lhin¹sxã³
 thã³ti³la² sa²hau³ko³3sa²nũ³nhẽ¹la². Nxe³sxã³
 ya³lu²si²hain¹ke³la³te²kxai³ ã²la² kãĩ²non³sxã³
 ã³ain²txi³khaix1sa²hĩ³nx2na³la². Yxã¹ta¹
 ti³he¹nxe²nxã³hẽ³la². 28 Nxe³na¹jut3su²
 ã³sa³si¹hã³ũh¹xi¹nx2ta¹ju³ta² ten³khaix1sa³nha²wa².
 Nxe³na¹kxai²nãn²tu³ ã²ain¹yah³lxin¹kxai²nãn²tu³
 ka³lih³kxi¹nx2ti³tu¹wa². Nxe³sxã³
 ã³ain²ta³kxi²sa²ju³ta² ã³wa²sut1sa³tu¹wa².
 29 ã³xi²kxai²nãn²tu³ wi¹lhin¹sxã³
 hen³txi³txain¹yah³lxĩ³hẽ¹la². Txa²wã¹hxi²kan¹jah¹la²
 yxo²ĩ²nũ³nha²kxai³ txa²wã¹lon³yah³lai²la¹wa².
 Jah¹la²yã¹ite²he³la³ka²wi¹lhen³txi³txain¹yah³lxĩ³hẽ¹la².
 30 Jã¹nxe³sxã³ Kris²tu³jah¹la² wãn³txa²

sa²yo²we¹tha²kxai³ ya³lu²te³lhxã³ nxa²hẽ³la².
 Wxãi²na² wxã³sxã³ ã³non²ta³kxi²sah²lxin¹kxe³su²
 hxi²kan¹yah³lxa³nha²kxai³ã³si³wẽ³no³txa²lxi³na²hẽ³la².

3

Kris²tu³jah¹la² so¹lxi³yo²i²ki³tã³la²

1 Jã¹nxe³jut3su² nxe³nx2ta¹wa².
 Txa²wã³tã³nãu³xãi³. A³lxi¹nx2ta¹nha²wa².
 Txa²wã¹hxi²kan¹jah¹la² ã²la² kãi²non³sxã³
 ĩ³ka³lih³kxi¹nx2ti³ju³ta² ten³nxa²lxa¹nha²wa².
 ã²la² ũ³wha²li¹lye¹nx2ta¹la². Nxe²
 ĩ³yau¹ũ³xi¹nx2ta¹kxai²nãn²tu³ ãu²li²sa²nxa³nha²wa².
 Wi¹lhin¹sxã³ yxau³si¹nx2ta¹jau³su²
 ũ³wha²li¹lye¹nx2ta¹wa². 2 Kõ³nxe³ti³
 kãi³tũ³ka³txa² wi¹lĩ²khai¹nxe³jah¹lxi³hẽ¹la².
 ĩ³ki³ha¹kxi¹nx2tai¹nha³ta²wa². ĩ³lxa³thin¹ti³he¹xai¹nxa³wa².
 A²nũ²nãu³ai²na² ũ³whi²lho¹nha²sxã³wa².
 ũ³kho³nyhain¹na³la². 3 A²kxã³nhxĩ¹nu¹tai²na²
 Moi³se²ah³lo²nu¹tai²na² kwa³na³nẽ³jau³xai²li²
 ã³si³wxe³ta¹hxai²ti³ai¹ti²tu³wa². Nxe³sxã³
 in³txa² wãi³lxa² wẽ³sa² tẽ³sxã³
 ũ³sa³si³tũ³ko¹kxã¹si¹nhẽ³jau³su²e³kxi²nẽ³ta¹hxai²ti³ai¹ti²tu³wa².
 Nxe³jau³xu¹tai²na² txa²wã¹kxi³na¹xai²na² so¹lxi³
 Ju³te²a² nũ³ka³txi³ki³na¹xai²na² so¹lxi³ wain³txi³
 sa²yo²we¹ki³tã³la². Sa²yo²we¹ki³kxan²ti³
 yen³kxa² ã²la² wi¹khai¹nxe³te²a² yũ³ki³tã³la².
 Txa²wã¹sũ³na² Yãu³ka³jxah¹la² ĩ³hxi²ka¹tẽ³lha²kxai³
 Sũ³nu²kxai³lu² sa²nẽn¹kxi²ki³tã³la². Je³su²
 Kris²tu³jah¹la² ã³nũ²nxi²sxã³ yxau³kxi²nẽ³lha²kxai³
 ka³li³sxã³ yxau³ki³tã³la². Yuh³xai²nãn¹te²
 yen³kxa² hai³txi³ yo²i²ki³sxa³wa². 4 Nxe³sxã³
 yuh³xai²nãn¹te² yen³kxa² yo²i²ki³ke³la³te²kxai³

txai²li² â²la² â³sen³sai¹sxã³ yxo²i²hĩ³na¹wa².
A²nũ²a² yxo²ha³kxa¹ â³sen³sai¹ai¹nhĩ³na¹wa².
5 Txa²wẽ³sĩ¹na² txo¹na¹hĩ¹nai³tã² kwên¹ta²
a³li³la¹ha¹hĩ¹nai³tã² a³la²ni²sxã³ ye³ha¹li¹
ye³ha¹li¹ ye³ha¹li¹ ye³ha¹li¹ a³la²ni²ju³ta²
hau³hau³kon³sxã³ ũ³sa³si³tũ³ko¹kxã¹sa³na²hẽ³la².
l³sa³e²ah¹lo²sa¹wa². Nxe² a³li³lah¹sxã³
txon¹jah¹lo²su² te²sa¹wa². Bẽn³ja³mĩ²
nũ³ka³txi³yah³lo²sa¹wa². Txa²wĩ³na²nãu³xai²na²
yxo²ha³kxa¹ E³bre²a² nũ³ka³txi³nãu³sain¹na³la².
Nxe³nxa²ha¹te¹ Moi³se²ah³lo²nu¹ta²na² wãn³txa²
sa²yxo²we¹kxe³su² a²ha³tih³nũ³ka³txai²li² fa³ri³se²a²
nũ³ka³txi³sa¹wa².

6 — Moi³se²ah³lo²nu¹ta²na² wãn³txa² wain³txi³
kãi³a¹tũ¹xã¹. Na¹ju³tan¹te²kxa³ya³lhu²
Je³su²jah¹lai²na² wãn³txa² yxo²i²sxã³
yxau²xai³tũ³ka³txa² khãuh³lxa³tin³txai¹na¹hẽ³la².
Nxe³kxa²yu³su² Txa²wã¹sũ³na² wãn³txa²
kwa³na³nẽ³ja³xai³tã² wã³ko³nxa³te²ty³
sa²yxo²we¹thxai²na¹hẽ³la². A²nũ²a² i²li³te²la³
hxi²kan¹txi³ ko³te³kxi²sa²nxa³hẽ¹la². Jã¹nxe³te²su²
hxai²na¹hẽ³la². 7 Nxa²ha¹te¹ Kris²tu³jah¹lai²na²
wãn³txa² yxo²i² â³si³wxe³na¹hĩ¹na¹ yen³kxai³tã²
hã¹nxe³ti³xa¹ â³na¹a¹hẽ³la².

— A²kxã³nxa² a³li²ti³ tẽ³a¹hẽ³na¹. Na¹jau³su²
hĩ¹na² yxo²kwain³te²txã³wa². 8 Yen³kxa²
yxo²ha³kxa¹ â³na¹sxã³ yen³kxa² â²la² wi¹te²a²
so¹li³ ten³te²sa¹wa². Je³su² Kris²tu³jah¹la²
Txa²wã¹hxi²kan¹jah¹lo²su² ha²kxai³ nxe³jah¹la²
i²sa²tẽ³kxi²na¹ju³ta² â²la² â³sen³sai²na³la².
Nxe³na¹ha²kxai³ yen³kxa² â³xai²li² ko³nxe³kxe³su²
â³na¹a¹ha²kxai³ Kris²tu³jah¹la² sa³wit³su²

na¹ju³ta² so¹lxi³ ten³sa³nha²wa². 9 Nxe³sxã³
 ã³nũ²nxi²sxã³ yxau²xai³nha¹ju³ta² ten³sa³nha²wa².
 A²wi¹lhĩn¹khaix¹ju³khai³xa² wi¹lhit¹sain¹na²hẽ³la².
 Nxe³te³nah¹lxi¹. Hai³txi³ Txa²wã¹sũ³na²
 kwa³na³jau³xu¹tai²na² sa²yxō²we¹ta¹kxe³su²
 wi¹lhit¹sai¹nxa³hẽ³la². Yxãn¹ta¹ Kris²tu³jah¹la²
 yxo²ĩ²a¹kxe³su² wi¹lhit¹sain¹na²hẽ³la².
 10 Jã¹nxe³sxã³ yxo²ĩ²a¹kxai²nãn²tu³
 Kris²tu³jah¹la² ĩ²yxau²xai³la¹tu¹wa².
 Kris²tu³jah¹la² a²wã³nxĩn¹ju³khai³xa² ka³ten³su²
 ĩ³sa²yxau³xi²sxã³ yau²xai³ju³khai³xa² ã³ne³wxe²
 yxau²xai³la¹tu¹wa². Kris²tu³jah¹lo²kxai³lu²
 Sũ³na² wãn³txa² sa²yxō²we¹tha²kxai³
 ye³khãuh³lxa³thin¹khaix¹ta¹hxai²ti³ai¹ti²tu³wa².
 Nxe³kxa² yã¹nxe³sxã³ Sũ³na² wãn³txa²
 sa²yxō²we¹ti³ten³sa³nha²wa², khãuh³lxa³txi³sain¹kxan²ti³na².
 Jã¹nxe³sxã³ Kris²tu³jah¹lo²kxai³lu²
 A²wĩ³na²khai³xa² wãn³txa² sa²yxō²we¹tha²kxai³
 ya³lu²kxi²nẽ³ta¹hxai²ti³ai¹ti²tu³wa². Nxe³kxa²
 yã¹nxe³sxã³ Sũ³na² wãn³txa² so¹lxi³
 sa²yxō²we¹ti³ten³sa³nha²wa², ya³lu²na¹ju³ta³nũ³a²
 yũ³ti³hit¹sain¹kxan²ti³na². 11 Jã¹nxe³na¹kxe³nũ³su²
 ka³ten³su² ĩ³sa²yxau³xi²si¹sa²jau³nũ³su² a²ya³la³tu³
 ũ³hũ¹sa³tu¹wa². Jã¹nxe³sxã³ Sũ³na² ha³lo²ai²na²
 yxau²sa²tẽ³si¹sa³tu¹wa².

Kris²tu³jah¹lai²na² wãn³txa² sa²yxō²wet¹sa²sai¹na¹ju³ta²

12 Jã¹nxe³na¹jau³su² txa²wãn³txa² e³nxa³jau³xa²sa¹:
 — Ko³nxe³ti³ kãĩ³a¹ju³ta² yũ³ti³he¹nxa³wi¹.
 Wi¹ju³ta² so¹lxi³ kãĩ³te²sa¹wi¹. Nxe³na¹jau³su²
 hxi²kan¹txi³ e³nxa³wa². Yxãn¹ta¹
 Kris²tu³jah¹la² a³lxi²sa²ju³ta² yxau²xai³te²sa¹wa².

Nxe³te²sa¹ha²kxai³ wain³txi³ sa²yo²wet¹sa²sai¹na¹ju³ta²
ten³khaix¹sa³nha²wa². 13 Txa²wā³tā³nāu³xāi³.

— Wi¹kāi³sa²sai¹na¹xā¹. Na¹jau³la³
e³ti³he¹nxe²nxa³tai¹ti²tu³wa². Nxe³na¹ta¹
ko³nxe³ti³ kāi³a¹hī¹nai³tā² ha³nāu³ha² hxa³na³la².
Yon³nāu³ai³tā² kāi³a¹ju³tai³tā² ne³wā²na³a¹ha²kxai³
yan¹nāu³a¹ wi¹kāi³a¹ju³ta³nū³a²
ain³nha¹ha²kxai³ Sū³na² wān³txa² so¹lx³
sa²yo²we¹ta¹ju³ta³nū³a² ain³nha¹ha²kxai³
nxe³na¹nha²wa². 14 Sa³nxe³la³kxi³nāu³xa²
kwa² ā³ni³hain¹ju³ta² yā¹nx²na³la². Ā³nih³sxā³
ā³ne³ka²ta¹ta³lun²kxi³nū³su² o²la³kxain¹nīn²ta²wa².
Ā³ne³ka²ta¹ta³lun²jah¹lai²na² sa²kxai³lu²
hi³yāu³sa³kxa² tih³na² ũ³nhe³hē¹nhain¹te²ju²hē³la².
Te²yā¹nxūn³te²sa¹wa². Oh³nāu³a¹ Je³su²
Kris²tu³jah¹la² ĩ³kaix¹sa²ju³ta³nū³a²
wah³nxe³na¹wa². Txa²wā¹sū³na² ten³si¹sa²jau³nū³a²
wah³nxe³na¹wa². Nxe³sa³kxai²nān²tu³
Txa²wā¹sū³na² hxi²ki³kxai³lu² ka³te³na² wi¹tāu³a²
ā³wi¹ha¹ju³ta³nū³a² ĩ³ye³kxi²sain¹tu¹wa².

15 Nxe³sxā³ ye³kan¹sxā³ yo²i²te²ki³na¹xai²na²
ye³kan¹sxā³ hain³nha²ki³ju³ta² so¹lx³ wain³na³la².
Kris²tu³jah¹lai²na² a²ten³jau³su² a³la³kxi²ki³sa²kxai³
nxe³jau³jau¹xain²txi³ sa²yo²wet¹sxā³
kāi³jah³lx³hē¹la². Yxān¹ta¹ nxe²nxa³kxe³su² te²a²
yū³kxai²nān²tu³ Txa²wā¹sū³na² hi²sen³su² e³lai²na¹
ĩ³yau¹ũ¹nx²ti³tu¹wa². 16 Jā¹nxe³ki³sa²kxai³ Sū³na²
wān³txa² wain³txi³ sa²yo²wet¹sxā³ kāi³ki³kxa²
yā¹xa³sah¹lx³wxa². 17 Txa²wā³tā³nāu³xāi³.
Kāi³a¹kxai³ yā¹nxe² kāi³yah³lxin¹ta¹ti²tu³wa².
Te²yā¹nxe² wain³txi³kāi³jah¹lx³hē¹la².
Nxa¹ju³kxai³la¹ txai²yā¹nxa² kāi³te²na² a²e³jau³xa²

sa²yo²we¹jah³lxi³hē¹la². 18 Txa²wā¹sū³na²
 wān³txa² yxo²i²ki³lxo³te²a² yū²na³la². Nxe³te²na²
 sa²kxai³lu² Kris²tu³jah¹lai²na² i³hxi²kī¹la²kxi²sxā³
 i³ya²lut1jah¹lai¹tā² yxo²kwīn¹kxain¹na³la².
 Kō¹kō¹so¹nain¹na³la². Nxe³nx2ti³to³ha¹tai¹ti²tu³wa².
 Nxe³ju³tai²li² i³āin²ta³kxi²nha²khaix1nxe³sxā³
 nān³sxā³ i³hen³txi¹nx2ta¹wa². 19 A²nxe³tū³kā³txai²li²
 ha³lo²a² ha³nxe²a² i³ju³ta³nū³a² kō³nxe³ti³
 i³yī¹li²hain¹tu¹wa², Txa²wā¹sū³na²sa³.
 A²nxe³tū³kā³txai²li² Txa²wā¹sū³nu²khai³xa²
 sa²yo²we¹tai¹nxa³wa². A²ē¹nān¹jau³khai³xa²
 ten³nyhain¹kxa² so¹lxi³ sa²yo²wet1sxā³
 kāi³ain¹na³la². Kuh³lxa³thin¹sxā³ kāi³ain¹kxan²ti³
 āu²li²ju³ta² yū³ai¹nxa³wa². Nxe³yān¹ta¹ ju¹tai²li²
 yxo²kāin²txi³ e³ain¹na³la². Yuh³xai²nān¹te²yen³kxa²
 so¹lxi³ ain³nhai¹nhxai²na²hē³la². A²nxe³tū³kā³txai²li²
 Txa²wā¹sū³na² hxi²ka² kō³nxe³ti³ i³yī¹li²hain¹tu¹wa².
 Nxain¹ju³tan¹te²kxa³ya³lhu² ha³lo²a² ha³nxe²a²
 i³ju³ta³nāu³a² i³hau³hau²na²sa²tē³ū¹hain¹tu¹wa².
 20 Nxe³nxa²ha¹te¹ txa²wā¹kī³nāu³xai²na²
 yxo²i²tū³kā³txi³ki³nāu¹xai²na² sa²kxai³lu²
 oh³xai²nān¹kō³xai²li² txa²wā¹ha³lo²khai³su²
 na³la². Nxe³sxā³ yuh³xan¹kō³xai²li²
 yxau³sxā³ hin¹sxā³ wah³nxe³ki³tā³la².
 Txa²wā¹ē¹na² sa²hau³kot3jah¹lai²na² Je³su²
 Kris²tu³jah¹lai²na² Txa²wā¹hxi²kan¹jah¹lo²su²
 ha²kxai³ nxe³jah¹la² wxā³sxā³ a³ka³nxi²sxā³
 wā³li²ju³ta³nū³a² wah³nxe³ki³tā³la². 21 A²nxe³jah¹la²
 hi²sen³kxai³lu² ā³wā³li²tāu³a² txa²wā¹nū²nāu³ai²na²
 hxi²tha³nhē³kxan²ti³ ya³lu²ju³ta² yū³nē³kxan²ti³
 sī³nā³lxi³ tah²lxi³sī³ti³hi¹tē³tu¹wa².
 Nxe³sxā³ Kris²tu³jah¹la² a²nū²nāu³xai²li²

wxi²kin³ti³ton³kxa² yā¹nxe² sī³nā³lxi³ti³hi¹tē³tu¹wa².
 Nū³kxūn³khaix1jah¹lai²la¹wa². Ha³lo²ai²na² ha³kxa¹
 a²wa³kxēn³su² na³la². Nxe³ju³kxai³lu² Je³su²
 Kris²tu³jah¹la² hi²sen³su² a²nū³kxūn³ju³txai²li²
 sī³nā³lxi³ti³hi¹tē³tu¹wa².

4

*Kris²tu³jah¹lai²na² wān³txa² yxo²ĩ²sxā³
 yxau²xai³ki³jau³su²*

1 Jā¹nxe³jut3su² kan²txi³ yxo²ĩ²yah³lxi¹nha²kxai³
 ĩ³sa²nēn¹kxi¹nx2ta¹wa². Nxe³sxā³ Kris²tu³jah¹lai²na²
 wān³txa² yxo²ĩ²sxā³ yxau²xai³lyah³lxin¹tai¹ti²tu³wa².
 Te²yā¹nxe³jah³lxi³hē¹la². Txa²wā³tā³nāu³sah¹lxi¹lxa².
 A³lxi¹nx2ta¹wa². Ne³kan²kxi²ti³hex1nxe³nx2ti³nxa³nha²wa².
 Ka²li¹txi²sah¹lxin¹nha²wa². Nxe³ye¹nx2ta¹wa².

2 Nxa²ha¹te¹ E³vo³ti²a³ka³lxāi³. Sī³ti²ka³kxa³lxāi³,
 Nxe³jah³nxa². Kris²tu³jah¹lai²na² wān³txa²
 yxo²ĩ²ya³hi¹nha²kxai³ hāu²non³sxā³
 yxau³a³nha¹jah³he¹na². 3 Nxa²ha¹te¹ wxāi²na²
 yxo²ĩ²tū³ka³txa² ā³non²ta³kxi²khaix1nxe³jah¹lo³
 ĩ³nxa² txu¹ti³nāu³xin³ti² ĩ³wai³txai¹nhē³la².
 Nxe³sxā³ txu¹ti³nāu³xin³ti² Kle³mē²te²yah³la²,
 txa²ya³lxi³nāu³xa² yxo²ha³kxa¹wi¹lo²la³kxain¹na²hē³la².
 Txa²wā¹sū³na² wān³txa² ĩ³yau¹ū³hain¹kxa²
 wi¹wa³ko³nain¹na²hē³la². Nxain¹ju³tan¹te²kxa³ya³lhu²
 Txa²wā¹sū³na² ha³teh³nxā³nxa² oh³nāu³a²
 ka³ten³su² yxau²xai³te²nu³a² ha³teh³nxā³nxa² ā²la²
 ũ³wha²li¹la³kxi²na²hē³la².

4 Txa²wā¹sū³na² wān³txa² yxo²ĩ²tū³ka³txi³ ĩ³nxa²
 kāin² ka³lih³jah¹lxi³hē¹la². Jā¹nxe² e³kxi¹nx2ti³sxā³
 ka³li³sa²tē³jah¹lxi³hē¹la².

5 Thāi³ti³la² kâi³ũh¹nhya¹ju³ah³lxi³hē¹la².
 Txa²wā¹sũ³na² a³ka³nxi²sxã³ wa³li²ju³ta³nũ³a²
 nxe³je³nāu³wa³kxi³lon³na³la². 6 Ha³lo²a²
 he¹yah³lxin¹ju³ta³nũ³a² hxi²waun³txi³yah³lxi³txa³lxa².
 Nxe³yān¹ta¹ yen³kxa² ĩ²li³ju³ta²
 a²ten³nxa²lxi³ju³ta² nũ¹hĩ²sxã³ Txa²wā¹sũ³na²
 ĩ³ye³kxi¹txai¹yah³lxi³hē¹la². Nxe³yah³lxin¹kxai²nān²tu³
 ain³kxi¹nx2ti³jau³nũ³su² yxo²i²jah³lxi³hē¹la².
 Nxe³yah³lxi³to³hin¹kxai²nān²tu³ ĩ³ka³lih³kxi¹nx2ti³jau³nũ³su²
 ĩ³hen³txi³jah¹lxi³hē¹la², Txa²wā¹sũ³na²sa³.
 7 Yxah³lxin¹ju³tan¹te²kxa³ya³lhu² Txa²wā¹sũ³na²
 hāun²ju³ta² ũ³hũ¹nx2ti³tu¹wa². A²nxe³ju³ta²
 a²nũ²a² hxi²kan¹txi³ ā³ne³wxe³ye²hĩ³kĩ³sxa³wa².
 Txa²wā¹sũ³na² hāu²no³nha²kĩ³ju³ta²
 ũ³hũ¹nē³jah¹lai²la¹wa². A²nxe³sxã³ Je³su²
 Kris²tu³jah¹la² ā³nũ²nxi²sxã³ yxau³ya³nx2ti³ha²kxai³
 wxa²e¹nāu³ai²na² hāu²nũh¹sa²tē³nx2ti³tu¹wa².

8 Jā¹nxe³na¹jut3su² txa²wā³tã³syah¹lxi¹lxa².
 Aĩn³nhyah¹lxin¹kxe³su² ĩ²khaix1nha¹jah³lxi³hē¹la².
 Ha³lo²a² wi¹ju³ta³nũ³a² yũ³ta³nxa²
 sa²nēn¹kxi²nē³kxe³nũ³a² yũ³ta³nxa²
 nxe³kxai²nān²tu³ aĩn³nha²sxã³ĩ²khaix1nha¹je²jah³lxi³hē¹la².
 Nxe³te³nah¹lxi¹, ha³lo²a² wain³te²lo³ju³ta²
 so¹lxi³ ha³lo²a² wi¹lhin¹kĩ³kxe³nũ³a² so¹lxi³
 Txa²wā¹sũ³na²ye³na²tã³nxa²a²nũ²a²ye³na²tã³nxa²
 wain³ye²kĩ³kxa²so¹lxi³ha³lo²a²ko³ti³he¹nxa³kxa²
 so¹lxi³ha³lo²a²a³lxi²si¹nhē³kxe³nũ³a²so¹lxi³
 ha³lo²a²wi¹le³kxi²kĩ³ju³ta³nũ³a²so¹lxi³nxe³te²
 he³la³kxa²aĩn³nha¹je¹jah³lxi³hē¹la². 9 Txa²wān³txa²
 e³so¹kxi²sah³lxin¹jau³xai²na² a²yxo²ha³kxa¹
 sa²yxo²wet1sah¹lxi³hē¹la². Txa²wān³txain²txi³

kāi³a¹ju³tain²txi³ sa²yxo²wet¹sah¹lxi³hē¹la².
 Nxe³yah³lxin¹kxai²nān²tu³ Txa²wā¹sū³na²
 hāu²non³ju³ta²wa³kxi³nxe³sxā³ā³si³tē³la³kxi²xai³nx²ti³tu¹wa².

Pau²lah³lai²na²wi¹lxo³kxi²jau³su²

¹⁰ Nxe³nxa²ha¹te¹hī¹nai²li²ā³non²ta³kxi²sah¹lxin¹ju³ta²
 ā³si³wxe³xi²yah³lxin¹nhē³la². A²kxā³nxai³tā²
 te²yā¹nxe² ā³non²ta³kxi²sah¹lxin¹tai¹ti²tu³wa².
 Nxe³nū²la² hxi²ka¹yah³lxa³nha²kxai³
 hāi¹nxa¹sah¹lxin¹tai¹ti²tu³wa².
 — Wxāi²li² ten³nxa²sīn¹nxa³nhai¹.
 Nxe³yah²lxa³nhē³la². Yxān¹ta¹:

— Hxi²kan¹txi³ ā³non²ta³kxi¹nx²ti³nxa³nhai¹.
 Sah¹lxi¹nhē³la². Yxān¹ta¹hī¹na²te²yāx¹sah¹lxi¹lxa².
 Nxe³sah¹lxin¹nha²kxai³ Kris²tu³jah¹la²ā³nū²nx²sxā³
 yxau³ya³sa³ha²kxai³ ī³ka³lih³khaix¹sa³nha²wa².
¹¹ Yxān¹ta¹yen³kxi³txa²sa²kxe³su¹nxe²nxa³nha²wa².
 Ha³lo²a² ī²li³ju³ta³nū³a² ka³lih³kxi²la²nha²
 yxau²xai³nha¹nha²wa². ¹² Yen³kxa²

yū³sa²nxa³kxe³su² ī²a¹ha²kxai³ yen³kxa²
 tau³ton³kxi²sa²kxe³su² ī²a¹ha²kxai³ te²sa¹wa².
 Nxe³ha²kxai³ ha³lo²a² ī²li³je³na² hi¹na¹kxan²ti³
 ha³lo²a² ī²li³ju³ta² ī³ha¹txi²na¹ha²kxai³
 ka³lih³kxi²nha¹nha²wa², ū³kxi²sa²jut³su² tā³nxa²
 he³ja³lu²sa²jut³su² tā³nxa² yen³kxi³ha¹kxe³su²
 tā³nxa² yen³kxi³txa²sa²kxe³su² tā³nxa²
 nxe³kxan²ti³ ka³lih³kxi²la²nha¹nha²wa².
¹³ Kris²tu³jah¹la²ā³nū²nx²sxā³ yxau³ya³sa²kxe³su²
 ī³hxi²kat¹sa³ha²kxai³ ha³lo²a² ī²li³ju³ta²
 wxā³nūh¹sa²kxan²ti³ hxi²ka¹na¹wa².

¹⁴ Nxe³na¹kxan²ti³ khāuh³nha¹ju³tai³tā²
 ā³non²ta³kxi²sah¹lxin¹tai¹ti²tu³wa². Ju¹tai²li²
 wain³na³la². ¹⁵ Kxā³nxai³tā² Ma³se³to²na²ko³xa²

a³li³a¹hī¹nai³tā² a²wi¹lhī¹na² wxā³sxā³
 Txa²wā¹sū³na² wān³txa² wi¹jau³xa²
 i³hen³txi¹nx2ta¹hī¹nai³tā² wxa²nū³ka³txi³nāu³
 i³nxa² Fi³li³po²thi³na² yxau³yah³lxin¹te² i³nxa²
 so¹lxi³ ā³non²ta³kxi²sah¹lxin¹tai¹ti²tu³wa²
 16 A²kxā³nxa² Te³sa³lo²ni³ka²thi³na²
 yxau³na¹hī¹nai³tā² yen³kxi³txa²kxe³sā¹.
 Sah¹lxin¹jau³su² wxa²nū³ka³txai²na²
 sa²kxai³lu² yen³kxi³khai³xa² wā²nhūh¹sxā³
 i³sa²si¹hā³xi²sah¹lxi³to³hin¹tai¹ti²tu³wa².

17 — Kwa²hāi¹te³lhxā³ yen³kxa²
 yxo²kwain³kxai¹na¹nha¹. Hai³txi³
 te²txā³wa². Wi¹kāi³sa²tot1jah³lxin¹ju³ta³nū³a²
 ten³sa³nha²wa². Yxah³lxin¹kxai²nān²tu³
 ka³lih³khaix1sah¹lxin¹tu¹wa². 18 Jā¹nxa¹jut3su²
 ũ³yho³hi²ki³a² ũ³sa²si¹hā³sah¹lxin¹kxa² a²yxō²ha³kxa¹
 so¹kxi¹nx2ta¹hē³la². So¹kxi¹nx2ta¹ha²kxai³
 yen³kxa² wā³kon³kxi²sa³ju³ta² yū³na¹wa².
 E³pa³fro³ti²jah³la² wxā³na²hē³la². Wxā³nū²la²
 wxa²yen³kxa² ũ³hū¹ah³lxin¹kxa² ũ³hū¹sa³na²hē³la².
 Nxe³ha²kxai³ hī¹nai²li² yen³kxa² tau³ton³nha²wa².
 Nxe² kāi³ū¹sah¹lxin¹ju³tai²li² ha³nxe²a²
 wi¹lū³tho³xa² yā¹nxe³hī³nx2na³la². Txa²wā¹sū³na²
 i³nxūn³so¹nūh¹nx2ti³kxa² yā¹nx2na³la².
 Nxe³tho³xa² Txa²wā¹sū³na² i³nxūn³so¹kxai²nān²tu³
 i³ka³li³lhxun¹na³la². Te²yā¹nxe³sxā³
 wi¹kāi³ūh¹sah¹lxin¹ju³tai²li² i³ka³li³lhxun¹nūn³na³la².
 i³ka³li³lhxu¹nha²kxai³ wi¹lhith1sxā³ i²nxa²lxi³na³la².
 19 Jā¹nxe³jut3su² tau³ton³kxi¹nx2ti³kxe³su²
 Txa²wā¹sū³na² hi²sen³su² ũ³hū¹nx2ti³tu¹wa². Je³su²
 Kris²tu³jah¹la² ā³nū²nxi²sxā³ yxau³ya³nx2ti³ha²kxai³
 tau³ton³kxi¹nx2ti³ju³ta² ũ³hū¹nx2ti³tu¹wa². Je³su²

Kris²tu³jah¹la² sa²kxai³lu² oh³nān¹ta³ yen³kxa²kāin²
 yū³ha²kxai³ nxe² ūh¹nx2ti³tu¹wa². 20 Nxe³ha²kxai³
 Txa²wā¹sū³na² Si³yxau³jah¹lai²li² Txa²wā¹wī³nu²su²
 ha²kxai³ nxe³jah¹lai²li² wxi²kin³ti³ton³ju³ta²
 ā²la² kāi²non³ju³ta² ten³sa³nha²wa². Hai³txi³
 ne³ki³so³nxa³ju³ta³nū³su² yū³ti³he¹nxa³lho³la².
 Nxe³ju³ta² ye¹nx2ta¹wa².

Pau²lah³lai²na² a²ne³ki³san¹jau³su²

21 Je³su² Kris²tu³jah¹la² yxo²i²yah³lxin¹te²nāu³
 ī³nxa² Txa²wā¹sū³na² a²sa³wi³ha³lxi³syah¹lxin¹te²nāu³
 ī³nxa² nxe³sxā³ txa²ha³ta³nxa² wi¹lhen³txi¹nx2ta¹wa².
 Txa²wā¹lon³ti³tāu³xai²na² yxau³ya³sain¹tū³ka³txi³nāu³xai²na²
 a²ha³ta³nxa² wi¹lhen³txi¹nx2ti³nū³ya³sain¹na³la².

22 Ro²ma²thi³nān¹ko³xa² kāin²ko³xai²na²
 a²wa³kxēn³yah³lai²na² sxi²ha² yxau³tū³ka³txi³nāu³xa²
 Txa²wā¹sū³na² wān³txa² yxo²i²tū³ka³txai²na²
 sa²kxai³lu² a²ha³ta³nxa² wi¹lhen³txi¹nx2ti³nū³ya³sain¹na³la².
 Txa²wā¹sū³na² yxo²i²tū³ka³txa² a²yxo²ha³kxa¹
 te²yā¹nxe³nūh¹nx2ti³nū³ya³sain¹na³la².

23 Jā¹nxe³jut3su² Je³su² Kris²tu³jah¹la²
 Txa²wā¹hxi²kan¹ta² Si³yxau³jah¹lo²su² ha²kxai³
 nxe³jah¹la² kāin² thāi³ti³la² a³lxi¹nx2ti³ju³ta²
 ten³sa³nha²wa². Jā¹nxa¹jau³su² txai²li²
 Pau²lah³lo²na¹xai²na² nxe³ye¹nx2ta¹wa².

Txa²wã¹sũ³na² Wãn³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022

5198f7a7-ab9d-5d69-b112-d94960f81d2a